



Saksbehandlar: Sissel Brusegård, Opplæringsavdelinga
Sak nr.: 16/2193-1

Stimuleringstilskot til fag- og yrkesopplæringa

...::: Sett inn innstillingen under denne linja ↓

Fylkесdirektøren rår fagopplæringsnemnda til å gje slik tilråding:

Fagopplæringsnemnda rår hovudutvalet for opplæring til å gjere slikt vedtak:

Fylkesrådmannen får mynde til å disponere stimuleringstilskotet kr 6.936.000,- for 2016 til lærlingar med ungdomsrett til følgjande tiltak:

- Formidling av lærekandidatar og lærlingar med låge karakterar/stort fråvære - stillingsressurs
- Inntil kr 30.000,- i tilskot til bedrifter som tek inn lærekandidatar under 18 år
- Sommarskule i naturfag
- Inntil kr 50.000,- i ekstratilskot til lærebodrift for kvar søker til læreplass som er vanskeleg å formidle på grunn av låge karakterar eller stort fråvær.
- Oppfylgingstiltak for lærlingar og lærekandidatar der det undervegs i læretida vert avdekkja behov for ekstra tilrettelegging
- Yrkesfagleg nettverk
- Nettverk for jenter i mannsdominerte lærefag og for gutar i kvinnedominerte lærefag
- Tilskot til ekstraopplæring for lærlingar med feil fordjuping/omval frå andre utdanningsprogram
- Kvalifisering av søkerar med manglande karaktergrunnlag i fellesfag og/eller programfag
- Oppdateringskurs for prøvenemnder
- Vg3 i skule som alternativ til læreplass i eige fylke, eller kjøp av vg3 plassar i andre fylke
- Tilskot til nye lærebodrifter på kr 30.000,- til bedrifter som teiknar lærekontrakt/opplæringskontrakt for fyrste gong. Midlane skal tildelast etter følgjande kriterium:
 - Bedrifta må vere ny som lærebodrift (ikkje ha hatt lærlingar siste 7 åra)
 - Bedrifta må teikne lærekontrakt/opplæringskontrakt med ein søker med ungdomsrett
 - Bedrifta må forplikte seg til å sende instruktør/fagleg leiar på instruktørkurs
- Styrking av instruktøroplæringa for nye lærebodrifter – tilskot på kr 5.000,-

...::: Sett inn innstillingen over denne linja ↑

... Sett inn saksutredningen under denne linja ↓

SAKSFRAMSTILLING

Bakgrunn:

Sogn og Fjordane fylkeskommune har i 2016 sett av 6,936 millionar til stimuleringsmidlar i fag- og yrkesopplæringa (ekstramidlar i fagopplæringa). Dette er ei vidareføring av særskilt ekstraløyving, første gongen gitt fylkeskommunane i 2009 som verkemiddel for å dempe verknadane av finanskrisa. Midlane inngår som ein del av rammetilskotet til fylkeskommunen.

I Sogn og Fjordane har vi dei siste åra hatt ulike profilar på bruken av desse midlane. Opplæringskontora har delteke i drøftingar om bruken av midlane, og har kome med innspel til kriterium for tildeling.

I 2011 gjekk ein over til ein individretta profil for delar av midlane. Målet var å stimulere til formidling av, og gjennomføring for, søkerarar som er vanskelege å formidle til opplæring i bedrift. Dette har m.a. vore i samsvar med den nasjonale satsinga Program for auka gjennomføring i vidaregåande opplæring,

Fram til og med 2012 nytta ein deler av midlane til stimuleringsstilskot for nye lærebedrifter. I 2012 rekruttert ein mange nye lærebedrifter, og ein valde difor å ta bort dette tilskotet frå 2013. I statsbudsjettet for 2014 vart det løyvt ekstramidlar til fylkeskommunane til å auke i lærtingstilskotet og kr 50.000 i tilskot til nye lærebedrifter. Tilskotet kom difor inn att i 2014.

I statsbudsjettet er ordninga vidareført i rammetilskotet til fylkeskommunane, på same nivå, men frå 2016 med endra innretning. Frå 2016 er intensjonen i statsbudsjettet at fylkeskommunen kan nytte midlane for å motverke auka arbeidsløyse blant unge. Det er m.a. omtala at midlane kan nytta til auka lærtingstilskot for spesielt utsette fagområde, eller til tiltak for å sikre at yrkesfagelever som ikkje får læreplass og må ta vg3 i skule får eit kvalitativt godt tilbod.

Bruken av stimuleringsmidlane har dei siste åra i hovudsak vore retta mot individuelle tiltak. Det har vore store variasjonar i talet elevar/lærlingar som har vore aktuelle for dei enkelte tiltaka og bruken av midlane har såleis vore lite føreseieleg. Rekneskapen for 2015 syner eit mindreforbruk på om lag 2,7 millionar kr.

Tilrådde tiltak:

Fylkesdirektøren rår til at dei fleste av tiltaka frå 2015 vert vidareført. Ny inntaksforskrift som gjeld frå 01.08.13 skjerpar kravet til å ha bestått lågare nivå for å bli flytta til neste nivå i vidaregåande opplæring. Dette inneber at kravet til kvalifisering for søkerarar til bedrift også vert praktisert strengare enn tidlegare. Mellom anna kan det bli fleire som vil nytte seg av tilboden om sommarskule i matematikk og naturfag. Fylkesdirektøren ser at det også kan bli aktuelt å setje i gong eigne kvalifiseringstilbod for søkerarar med manglande karaktergrunnlag i fellesfag og/eller programfag, og føreslår å setje av midlar til slike tilbod.

Formidling av lærekandidatar og lærlingar med låge karakterar/stort fråvære - stillingsressurs

Frå 2010 har ein brukt av stimuleringsmidlane til frikjøp av ein stillingsressurs til å arbeide med å rekruttere nye lærebedrifter og til formidling og tett oppfølging av lærekandidatar. Dette er eit arbeid som har hatt stor effekt. Særleg i 2010 og 2011 vart det rekruttert mange nye lærebedrifter. Frikjøpsressursen har dei seinaste åra særleg vore retta mot arbeidet med gode prosessar rundt formidlinga av lærekandidatar. Tett samarbeid med dei vidaregåande skulane om tidleg kartlegging av potensielle lærekandidatar, nært samarbeid med NAV i tidleg fase og aktivt arbeid frå skulane med å finne aktuelle bedrifter har vore vesentlege suksessfaktorar. Det har også vore tett oppfølging av den einskilde lærekandidat i bedrifta, noko som syner att i svært lite fråfall av lærekandidatar i vårt fylke.

Inntil kr 30.000,- i tilskot til bedrifter som tek inn lærekandidatar under 18 år.

Ei ny forskrift med verknad frå 01.01.16 gjer at ungdom under 18 år ikkje kan få tiltaksmidlar frå NAV. Dette kan få innverknad for nokre av lærekandidataane som fyller 18 år seitn på året. Ein ønskjer derfor å kunna nytta midlar slik at denne gruppa får teikna lærekontrakt før dei fyller 18 år. Konsekvensane for den enkelte av å måtte vente til ein er 18 år før ein får teikne kontrakt kan vere store med tanke på å få fullført opplæringa. Dette er eit nytt tiltak.

Sommarskule i naturfag

Dette er eit tilbod til elvar som har IV (ikkje vurdering) eller 1 (stryk) i naturfag innanfor yrkesfaglege utdanningsprogram. Desse faga vert avslutta på vg1. Erfaringa viser at mange elevar ikkje tek oppatt desse faga om dei stryk. Dette gjer at dei ikkje får vitnemål og heller ikkje utstedt fag- eller sveinebrev. Elevane får i tiltaket tilbod om to vekers sommarskule i faget, med påfølgjande eksamen. Erfaringane med sommarskule er at mange av dei som deltek står til eksamen. Utfordringa har vore å få elevane til å stille på sommarskulen.

Inntil kr 50.000,- i ekstratilstok til bedrifter for kvar søker til lære plass som er vanskeleg å formidle

Kvart år syner det seg at ein del søkerar har vanskar med å skaffe seg lære plass. Det kan skuldast svakt karaktergrunnlag, nedsett ordenskarakter, stort fråvær eller andre grunnar. Lærebedriftene avgjer sjølv om dei vil tilsetje lærling og kven dei vil tilsetje. Fylkeskommunen har ikkje styringsrett over lærebedriftene. Lærlingar har heller ikkje prøvetid slik som andre arbeidstakrar. Dersom fylkeskommunen kan gje eit lønstilstok til bedrifa slik at søkeren kan få «synt seg fram» og bedrifta får ei «prøvetid» utan å binde seg til ein kontrakt som normalt varer i to år, er det lettare å få bedrifta til å prøve ut søkeren. Målet med utprøvinga er at bedrifta skal teikne lærekontrakt med søkeren etter utprøvingsperioden, noko som svært ofte skjer. Starttidspunkt for kontrakten blir då tilbakedatert til den dato utprøvinga starta. Tilbakemelding frå opplæringskontora er at dette er heilt naudsynt for å få denne gruppa ut i lære.

Oppfølgingstiltak for lærlingar og lærekandidatar der det underveis i læretida vert avdekka behov for ekstra tilrettelegging

Det viser seg at det av og til ut i læretida vert avdekka manglar i tidlegare opplæring og at det difor blir behov for ekstra tilrettelegging for at lærlingen skal kunne oppnå fagbrev. Bedrifta/opplæringskontora må då inn med meir ressursar for at lærlingen skal kunne tileigna seg tilstrekkeleg kompetanse. Opplæringskontora melder at dette kanskje er det viktigaste tiltaket for å auke gjennomføringa. Ordninga med midlar til ekstra tilrettelegging/instruktørstøtte vert administrert av fylkesdirektøren og det er kort sakshandsamingstid. Det betyr at tiltak kan setjast i verk raskt, og ein kan på den måten unngå heving av lærekontrakten.

Styrking av arbeidet i yrkesfagleg nettverk

Kvar av dei vidaregåande skulane skal byggje nettverk med lokale, relevante bedrifter og verksemder knytt til kvart av dei yrkesfagleg utdanningsprogramma skulen har. Dette har fungert noko ulikt, men stort sett har skulane knytt til seg bedrifter som dei m.a. nytta til utplassering av elevar i faget prosjekt til fordjuping (PTF). Der nettverksarbeidet har fungert godt, ser ein tydeleg gevinst i arbeidet med PTF, formidlingsprosessen og samarbeid om kompetanseheving. I 2015 prioriterte fylkesdirektøren hospiteringsmidlar til samarbeid mellom bedrifter og lærarar i ulike programområde. Nettverka har utarbeidd lokalt tilpassa læreplanar i PTF. Denne prioriteringa har ført til auka aktivitet i dei lokale nettverka.

Nettverk for jenter i mannsdominerte lærefag og for gutter i kvinnedominerte lærefag

Opplæringskontora som har lærlingar i dei mest mannsdominerte faga, har i samarbeid arrangert samlingar for jenter som har lærekontrakt i slike fag sidan 2014. Tilbakemeldingane frå samlingane er gode og dette er både eit rekrutterings- og stabiliseringstiltak. Tilsvarande har det vore ønskje om samlingar for gutter i kvinnedominerte fag. Opplæringskontora som deltek i tiltaket meiner det er viktig at ordninga held fram.

Lærlingar med feil fordjuping/omval frå andre utdanningsprogram.

Lærlingar som vel, eller får tilbod om lærepass i eit fag der dei ikkje har rett bakgrunn treng ekstraopplæring for å få fagbrev. Bedrifter/opplæringskontor må difor nytte meir ressursar på denne gruppa.

Kvalifisering av søkerar med manglande karaktergrunnlag i fellesfag og/eller programfag.

Elevar med IV eller karakteren 1 i første termin vil bli tettare følgd opp fram mot avsluttande karakter. Søkerar til lærepass som manglar vurdering i eitt eller fleire fag har dei to siste åra fått tilbod om å kvalifisere seg gjennom lærepasskurs.

Oppdateringskurs for prøvenemnder

For å sikre kvaliteten på opplæringa er det viktig at prøvenemndene får dei oppdateringar som er nødvendige for deira fagområde. Dette vert tilrettelagt gjennom e-læringskurs og samlingar for prøvenemndene.

Vg3 i skule som alternativ til lærepass i eige fylke eller kjøp av vg3 plassar i andre fylke

Inntaksforskrifta frå 2013 slår fast at søkerar som ikkje har fått tilbod om lærepass til 1. september skal få tilbod om vg3 i skule som alternativ til lærepass. Sogn og Fjordane fylkeskommunen har starta vg3 i eige fylke og kjøpt plassar i andre fylke dei siste åra. Om ein ikkje lukkast med tidlegare formidling enn fram til no, kan dette resultere i at ein må opprette fleire vg3 tilbod eller kjøpe plassar i vg3 i andre fylke.

Tilskot til nye lærebedrifter

Erfaringa viser, og tilbakemeldinga frå opplæringskontora er, at dette er viktig for å rekruttere nye lærebedrifter.

Styrking av instruktøroplæringa for nye lærebedrifter

For å heve kvaliteten på opplæringa i dei nye lærebedriftene er det viktig med gode instruktørar. Det kan vere krevjande for særleg små bedrifter å ta medarbeidarar ut av produksjonen for å la dei delta på kurs som instruktøroplæringa. Erfaringa er at tilskotet aukar deltakinga.

Disponering av midlane i 2016.

Utgreiingsoppdrag:

Som ein del av økonomiplanarbeidet utgreier fylkesrådmannen konsekvensar av ulike innsparingstiltak for å møte dei økonomiske utfordringane fylkeskommunen står overfor i åra framover (SFJ 2019). Fylkesdirektøren for opplæring skal i samband med dette m.a. utgreie mogelege konsekvensar av å redusere eller ta bort løyvinga til stimulerungstiltak i fag- og yrkesopplæringa. Økonomiplan 2017-2020 skal handsamast i fylkestinget i juni 2016.

... Sett inn saksutredningen over denne linja ↑